

SANITÈ: en jöbia, ai 27/09, é l'ambulatory dla doturia Grete Mahlknecht a San Martin ma davert dales 16.00 ales 18.00 y nia dales 9.00 ales 11.00
La doturia Mahlknecht é demez dal 01/10 ai 03/10 y vëgn sostituida dal dotur Eduard Agreiter 0474 523 315 - 333 13 80 852

COMUN: - Dal lönesc, 24.09.18, al lönesc, 01.10.18, ne jarál por laurs de asfaltadöra danter Fornela y Pedebörz, degönes corieres da Antermëia sön Börz.
- Deache les corieres che vá a Bornech é i dis de scora dadoman plü co plënes, mêt la SAD dal lönesc, 24/09, inant, i dis de scora na coriera implü che pëia ia da Pidrô dales 7.00 che vá cina a Bornech; ará stá chita sön dötes les fermades dla ligna 460, ma nia a San Laurënz/Staziun.
- I dis de scora dadoman vá la pröma coriera da Antermëia demez dales 6.41; chi che ó jí inant a Bornech, mëss baraté söla burcia da jí a Lungiarü y jí inant cun la coriera che vëgn da Lungiarü cina ia dala burcia da Picolin/San Martin. I dis da laur olache al n'é nia scora pëia ia la coriera da Antermëia demez dales 6.24.

PLOANIES SAN MARTIN Y LUNGIARÜ

I geniturs di mituns y dles mitans de pröma y secunda mesana da San Martin y da Lungiarü é dër bel invia a na reuniun por invié ia la preparaziun ala Festa dla Confermaziun (ai 19 de ma 2019 a Lungiarü): en dedolönesc, ai 2 de otober, dales 20.00, tl salf di stödafüch a San Martin. Ciarede da gní duc/dötes. *Siur Iaco*

La Uniun di Eï Val Badia invieia ei y jogn en vëndres, ai 28/09, dales 19.30 sö San Linert a tó pert ala prozesciun cun linternes o ciandëres sö Oies.

Iade por sanc en sabeda, ai 29/09, organisé dala Uniun Generela di Ladins dles Dolomites por döta la jënt ladina: 14.30 incuntada a San Linert; 15.00: Via Crucis; 16.00: Mëssa sö Oies; 17.00 renfrësch. Info 349 21 50 164 o 333 78 91 347.

La Ciasa de Palsa Ojöp Frëinademetz invieia duc a n domisdé d'aurela cörta cun musiga, café y val' de duc y a festejé deboriada le de di seniors. I s'aspetun en lönesc, al 01 d'otober, dales 15.30 ales 17.00.

SAN MARTIN

En mercui, ai 26/09, vëgnel indô sié la cortina dales 17.00 inant; tl caje de bur tēp vëgnel sié le dé do. Chi che á dlaurela vëgn dër bel peria da gní a daidé.

LUNGIARÜ

La Uniun di Jogn da Lungiarü organisëia en domënia domisdé, 30 de setēmbër, deplü sorts de jüc! Da sëra gnarál fat na buna grigliada ia dala ütia dles festes. Düc é sambëgn bel invia da gní a tó pert sides jogn co vedli!

En domënia, ai 30 de setēmbër, invieia la Uniun di Ei al iade a Weißenstein. Prenotaziun pro Dolorico Mischi 347 94 70 133 cina ai 27/09. Düc é bel invia.

Les Uniuns di Seniors da San Martin y Antermëia invieia a na jita a Falzes en vëndres, 05/10. Dales 13.00 da San Martin cun auti privac fora dal lech de Issing. Dedô junse a vijité le museum sö lüch Harrasser y dailó na buna picia marëna. Cost 10 euro. Prenotesse cina i 30/09 pro Loise 329 13 98 721 o Alfred 333 36 54 786. Sorvisc de transport da Antermëia demez sc'al vá debojëgn. Gnide tröc!

Incuntada de creativité y de conferta dl Grup Atmosfera en jöbia, ai 27/09, dales 15.30 -17.30 tl Raiun Sozial a Picolin cun Irina Tavella y Barbara Rungger. Info pro Sabine Rainer 0474/524519. Vignun/öna é bëgnnüs y é dër bel invia/des.



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

23.09. – 30.09.18 nr. 43

ultimo termo por comunicaziuns: jöbia dales 20.00
radio: 90,40 / 93,70

25^a DOMËNIA – Ann B

Vangele do Merch 9,30-37

Ai ê rovâ a Cafârnaum.

Canch'al ê spo te ciasa, i àl damanè: Porsura cî ëise pa baié sön tru?

Ai scutâ, deach'ai â baié deboriada sön tru

porsura cal che ê le plü gran de d'ëi.

Dailò s'â Gejù senté, â cherdè i dodesc y ti à dit:

Chël che ô ester le pröm dess ester l'ultimo de duc y le sorvidù de duc.

Y al à metü n môt amesa ëi, spo l'al tut te sü brac

y ti à dit a d'ëi:

Chël che tol sö n te' môt

por mia gauja, tol sö mè;

chël indere che tol sö mè,

ne tol nia sö mè,

mo chël che m'â menè.



Tla domanda che i discepu se fej danter ëi nes esi dër daimpró da nos.

Val' messessel bëgn ciaré fora, sc'i ti jun bele do a chësc ël

y un lascé ia do nos ciasa, barches y le mistier cun so davagn?

La resposta de Gejù é tlera y bëgn ince da parenté:

Nia ne n'ëise dainciará ater co ci ch'i eis fat.

Podëi sorví, y chësc é ince bele le paimënt.

Státun al ultimo post y stá a d'aspeté.

O: Resta le môt, che t'es dagnora sté, che t'es y che te saras.

Deache i mituns é Gejù instës.

Ince ël crëi sciöche n môt cun i brac oc y daver, che vëgn implis da Idî.

D'un n vers le respet por le pice y le püre che n'á nia y á debojëgn de döt.

DI ater vers la gran fidënza te Chël Bel Dî che la mina buna.

Insciò dess ince vire i discepu de Gejù:

sorví cun dorada y ligrëza

y se surandé deplëgn tles mans de Chël Bel Dî.

Che Idî nes dais chësta grazia.

	SAN MARTIN	LUNGIARÜ	Nosta la Segra!
23.09.18 25^a DOMËNIA – Ann B	<i>Segra dla Ploania da San Martin</i> 9.00 Corona 9.30 Mëssa da festa dla comunité	7.55 Corona 8.15 Gran Mëssa dla comunité 14.00 Tru dles staziuns dala dlijia. cun la Uniun di Èi	 - “Ciarede l’abitaziun de Dî danter la jënt. Al viará amësa ëi ite y ëi sará so popul. Y ël, Chël Bel Dî, sará pro d’ëi. Al terjará ia dotes les legremes da sü edli: la mort ne sará nia plü, degöna plüra, degun pöde, degun dolor. Deache ci che ê denant é passé.” (Revelaziun 21.3) - So popul: na comunité che se dá jö cun la buna noela y se lascia animé dal Spirit Sant; na comunité unida tla oraziun che tēgn le past dl Signur cun ligrēza y la pesc tl cör, na comunité sterscia tla fede che n’á nia tēma dan dal dagní deache le Signur y cun ëra te barca. - Na costruziun fata sö de peres vies. En tröc sunse un n corp te Crist, mo vignun é n mēember che taca adöm cun i atri y che á n compit desvali aladô dla grazia ch’al á cialfé. (1. Pire 2,4-8 y Romans 12,6-8) 
24.09.18 Lönesc <i>Rupert y Virgile</i>			
25.09.18 Dedolönesc <i>Niclaus da Flüe, Aurelia</i>	15.30 Mëssa <u>it’a Bioch</u> en onur de S. Maria da Lourdes a d’intenziun + Purgl Prousch y defunc 19.30 Consëi de Cöra		
26.09.18 Dedemesaledema <i>Cosma y Damian, Eugenia</i>		7.30 Mëssa + Franz Pezzei, Ghestan + Pire Nagler, Feur	
27.09.18 Jöbia <i>Vinzenz de Paul, Hiltrud</i>	7.30 Mëssa + Anna Valentini dl ann + Elena Rubatscher Zingerle Corona por vocaziuns		
28.09.18 Vëndres <i>Wenzel, Lioba</i>	18.30 Adoraziun chîta 19.00 Adoraziun deboriada 19.30 Prozesciun di Èi sö Oies	7.30 Mëssa fam. Iaco Castlunger 19.30 Prozesciun di Èi sö Oies	
29.09.18 Sabeda <i>Michil, Gabriel y Rafael</i>	15.30 Mëssa tla Ciasa de Palsa 18.30 Mëssa prefestia families Pire y Franz Graffonara + Erna Frenner	20.00 Mëssa prefestia a d’intenziun	
30.09.18 26^a DOMËNIA – Ann B	9.00 Corona 9.30 Gran Mëssa dla comunité	7.55 Corona 8.15 Gran Mëssa dla comunité 15.00 Corona tla capela de S. Ujöp Fr.	